



## Universitätsbibliothek Paderborn

### **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1847**

MDLXXVI. Uebersicht der Schäden, welche die Stadt Perleberg von  
Mecklenburgischer Seite seit dem Jahre 1424 erlitten hat, v. J. 1438.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

schok großes vees, dare wafz hertoge hinrik mede vp den velde vnd VI Pare Offen vnd VIII perde, dat dede Ludeke kracz vnd Borken van kerkaw, Eggerd warenborgh vnd dy borger van lichen vnd III perde, III perde, III offen, dy qwemen jn dat land to Robel. Item jn kelre III schok vees vnd I schok perde, dat deden dy Stargarderer vnd ok VI schok schapp, I schok swine, dat ok deden dy Stargharderer. Item jn der berge II schok offen vnd VI hundert schapp, II schok swine vnd I schok perde, I schok kuye vnd XV arborste, dat deden dy lichenschen. Item jn Ronnebeke III schok kuge, I schok offen vnd perde, Item XVI schok swin vnd schapp, dar hertoge hinrik suluen mede wafz, ok XVI arborste, dat dede ludeke kracz vnd dy lichenschen. Item jn Buberow III perde vnd VI kuye, I schok schapp, I mandel swine ketel vnd grapen vpp III schok vnd VIII schok vnd III verndel berfz. Dat dede hintze bardenvlit, hinrik Olterwolt, Hinrik van Bertkow vnd dy ryben. Item jn kranken XIV offen, XII perde, I schok swine, I schok schapp, I man grepen, dy ghaß VIII verndel birs, dat deden dy Priggenitzen to Robel vt vnd jn. Item jn Mencze XII offen, XII perde, dat schach to Prilnitze aff vnd thu, V perde, dat deden dy Priggenitzen. Item to Griben II perde, dat Curt pascherdach. Item jn dolghe XII offen, XII perde, dat deden dy starghardererer. Item jn Czegow I grod schok vefz, dat deden dy Starghardererer. Item jn Czulen I grot schok vefz, dat deden dy Moltken. Dyt isz de schade dy my clawefz woldegghen ghescheen is jn der vaghedighe to ffretstorppe to dem ersten clawefz Priggenitze vnd dy Robelere vnd Gerke Retczfow, Henning kopplow vnd kune van pleffen med eren hulpern nemen to Berke II schok offen vnd kuye dar wern XL offen mank vnd deden dat to Robel vt vnd jn. Item jn dem jare so men schref jn dem souen vnd druthtegesten des dunredages vor Lichtmissen clawefz Priggenitzen, philippus Prigenitzen, Eggherd hane, Cone van Pleffe, Henning kopplow vnd ere zelschopp lepen vp dat Slot ffretstorppe vnd grepen my clawefz woldege vnd mynen sonen henning woldegen vnd nemen van dem slothe so gud alle achte schok, III schok an reden golde ane mynfs wiues gerede vnd ik vnd myn sone gheuen III hundert rinsche gulden to der schattinge vnd I perd van X schoken, den schaden jk achte vpp XXXII schok vnd drihundert rinsche gulden.

Nach gleichzeitigen Notizen.

MDLXXXVI. Uebersicht der Schäden, welche die Stadt Perleberg von Mecklenburgischer Seite seit dem Jahre 1424 erlitten hat, v. J. 1438.

Desse nabenante schade is vns von Perleberge schyn sedder der tyd, dat vrowe katherina, Hertogynne to Mecklenborg dat land vorstan heft:

Anno etc. XXXIII<sup>o</sup> Reymer von pleffe grep vnfen Burger hans dabertzin tor

nygenstad vor deme dare vnde nam em **LXIII** marc stralenpenninge vnd schattede em aff **II<sup>e</sup>** lub. marc virmunten, **II** jar teringe vnde mollen steen vor **XII** lub. marc.

Reymar von pleffe nam to zukow vnd dargentin vnfen burgern **II<sup>e</sup>** schap, **IX** schap, **II** perde, **III** offen, ene ku vnde schadeden dar an andern gudern vnde gerede vp **XVI** beh. schok, deffen schaden achte wy vp **C** lub. marc.

Anno **XXV<sup>to</sup>**. Dy lutzowen von grabow nymen vnfen burgern Merten winynge vnde Berkholte an kramerigen vnd anderen gerede vnde an gelde so gud alle **C** lub. marc vnde **XX** marc lub. vnde dreuen dat gud to grabow in bynnen louen vnde vrede.

Tonniges sconenuelt met dem hofgefinde von zwerin vnde reymar von pleffe nymen vnfen burgern tor groten lubene bauen een schok ryntquekes vnd grepen vns aff vyr gewapent, den sy nymen fouen reysege perde vnde wundeden vnser burger folze: deffen schaden achte wy vppe **XVI<sup>e</sup>** lub. mark virmunten.

Anno **XXVI<sup>to</sup>**. Reymar von pleffe nam vor perleberge **III<sup>e</sup>** meste zwyne, geachtet vppe **VI<sup>e</sup>** lub. marc, **XXIX** gefangen, den ere harnsch genomen wart vnde beschattet worden: den schaden acht wy vp twe dusent lub. marc. Hir weren mede Bolte hasenkop des bischopes vaget von zwerin met **X** gewapent vnde dryberg, wanastich tor nigenstad. Dar to **XIII** doden, dy vns to der suluen tyd afgellagen worden. Fibran, der vrowen knecht von mecklenborg, gerhard weylin wanastich tor merntze vnd reymers knechte von pleffe grepen vnfen burger claws pluchhouet, dy beschattet wart vp **LXXX** marc strale penninge. Dar to ghaff he **II** tunne heringes, gekoft vor **XII** lub. marc, vyr tunne meden vor **V** marc, **IV** punt pepers, islik punt **XI** lub. sz. **C** Berger vische vor **VII** lub. mark vnde teringe **III** lub. marc.

Tor suluen tyd nam fibran vnde dy andern vorgebanten vns Radmanne to Perleberge **III** perde geachtet vp **XXX** lub. marc. Vautsak vnde vette hirich, der lutzowen knechte, nymen vnfen burgen mews rosenhagene **III** perde geachtet vp **XX** lub. marc.

Anno **XXIX** Grube viregge, dy Batzefitzen vnde ere selfchap schadeden vnfen burgern in den dorpern dudeschen gotzkow, Cramfer vnde to ghartz an queke an hufgerade vnde an brande vp **VIII<sup>e</sup>** lub. marc.

Anno **XXXII**. Der vrowen knechte von Mecklenborg tyde von gherden vnde henning gummern nymen vnfen burgern claus Blecker vnd Bernd smede tve leste herings, dy dy vrowe von Mecklenborg vnde her acxkow sendeden in den Market to lunenburg vnde verkosten islike last vor **LXXII** lub. mark. Dar to wart em genamen een wagen met **IV** perden, geachtet **LX** lub. marc, een arborst, tve nyge fadele vnde ander gerede, so gud alle **X** lub. marc. Vor dyt vorbenante gud nam dy herfchop von Mecklenborch bauen eren wonliken tollen sunderlich geleyde. Jedoch wart den vorgebanten vnfen burgern ere gud genomen in sodanen guden louen.

Jachim von pentze vnde luder lutzow met den eren nymen vnsem Burgere hirich Dabertzine Im dorpe Rosenhagen synem armen manne wes he hadde vnde Branden em syne schune aff: dy schade is geachtet vp **LX** lub. marc. Wypert lutzow met andern Mecklenburgern nymen vnsem burger hans borchagen Im dorpe to borchagen **VII** houede

ryntquekes, geachtet XX lub. marc. Tor fuluen tyd branden sy em to rosenhagen IIII houe vnde schadeden em an gereede vp LX lub. mark. Tor fuluen tyd branden sy em to dupow IIII houe vnde dy schunen met roggen, geachtet C lub. marc. Item to gotzkow Branden sy em dry houe vnde nymen em an queke geachtet vp II<sup>c</sup> lub. marc, vyff man mede in gerekent, dy sy em don sulues af grepen to cleynow, dy beschattet worden. Item nymen sy em tor fuluen tyd to Rosenhagen IIII perde vnde grepen wotkenfule, dy beschattet wart. Dy scade is achtet vp LX lub. mark. Fibian der vrowen knecht von Mecklenborch vnde syn selschap grepen vnser burgern twe manne af, dy ene wart beschattet vppe XXIV lub. marc, dy ander wart vermordet jm torne, dyt schach to stauenow.

Anno XXXIII<sup>o</sup> vnse burger hans happe, arnd pricke, arnd grabow vnde beteke verwer musten der herfcap von Mecklenborg geuen XXVI lub. marc to losinge vor ere gud, dat em bynnen louen, vrede vnde sundergen geleyde bynnen der nigenftad wart bekummert. Hans nefemanne vnsem burger bleuen na XL lub. marc, dy em bynnen der wifmar genomen worden.

Anno XXXVII. Desse nabenante schade is vns vnde den vnser schyn sedder der tyd dat dy hern von Mecklenborch syk des landes to wenden vndervunden hebben. Reymer von pleffe nam vnser burgern jm lande to putlyst to den dorpern Czeddyn vnd Tacken ere schap, dy ere synt vnde vor rechten willen, oft des not were, Clawese von bluten I schok schap, hans goden I schok schap ane dry schap, hans dabertzine XIV schap, Coppe reyneken XLII schap, wyneke Butze XXXI schap, Claus Bleckere XXXII schap.

Item nymen sy vnsem Burger hans borchagene to der fuluen tyd tom Taken XX schap vnde VIII swyne vnde verdingeden enen hoff dy em horet, dy schade is geachtet vp LX lub. marc.

Item verdingede Reymer von pleffe vnde der parchemer vaget, Bernd welzin, vnser armen godeshufere des hilgen geestes vnde sunte Jurgens vnde vnser Burger arme lude to bluten: dy dingnisse steyt noch, der parchem vagede musten dy gebur dy dingnisse mede wissen. Dyt schach allet nighus gebraken wart. Tor fuluen tyd branden dy fuluen alle reymer von pleffe vnde der parchemer vaget vnsem burger hinrich dabertzine to bluten hus vnd hoff aff vnde nymen sodane gud alle dar jm houe was: den schaden achten vp LX lub. marc.

Desse nabenante schade is vns perlebergelchen geschin von den Stargardeischen hern vnde von den eren Anno XXVI. Dy barnekouen wyren dar mede vor perlebergē don reymer von pleffe vns nam IV<sup>c</sup> melte swyn, geachtet VI<sup>c</sup> lub. marc, II dusent schap, geachtet IV<sup>c</sup> lub. marc, Twintich perde, VI koye, geachtet LXXX lub. marc dar to XXIX gefangen ere harnsch genomen vnde beschattet synt: den schade achte wy vp II dusent lub. marc vnde XIII doden, dy dar sulues gellagen worden. Hermen goltsmet wart beschattet to dem vinken vnde gaff XIV lub. mark. Buban vlatow vnde claus prignitze deden vnser meynen burgern schaden in den dorpern by der elue XIV dage vor sunte Merten an queke, dat sy nymen, geachtet vp C lub. marc. LXXX mark vnde dar bauen. Dyt deden sy von dem hagne vnde dar sulues wedder to, hinrich von pleffe

dede vnfen burgern schaden an schapen, dy he nam to gulow des mandages na Martini so vele als vif hundred vnd V schap. Anno XXVII Claus pluchouet vnse burger wart to Robel beschattet vp LXXX stral mark, Twe tunnen herings vor XII mark lub. vyr tunnen meden vor V mark lub. IV punt pepers, islik punt XI sz. lub., C Berger vissche vor VII lub. marc, vnde III mark teringe.

Anno XXXII<sup>o</sup> hinrich von pleffe dede vnfen burgern schaden to wertzin an Ryntqueke, schapen, Czegen vnde an andern gerede vp IV<sup>o</sup> lub. mark.

Anno XXXVI, Barnekow, hinrich knecht von pleffe, nam deme rade to Perleberge twe perde so gud alse XXIV lub. marc.

Anno XXXVII, Hertoge hinrich von stargarde vnde Reymar von Pleffe met andern Mecklenborgern nam vnfen burgern Im lande to putlyst to den dorpern Czedin vnde Tatken III schok schap vnd LVII schap. Item nam hertoge hinrich met den vorgenanten to der suluen tyd tom Tacken vnsem burgere hans borchhagen XX schap vnde VIII swyne vnde verdingheden eneu hoff, dy em horede. Desse schade is geachtet vp LX lub. marc.

Nach der Urschrift.

MDLXXVII. Zusammenstellung der Schäden, welche die Stadt Kyritz seit dem Jahre 1423 aus den Länden Wenden und Nöbel erlitten hat, v. J. 1438.

Dyt is dy schade, dy vns borghern van der kyritze gheschen is vtem lande to wenden, ok vtem lande to Stargarde. Anno domini MCCCCXXIII<sup>o</sup> zint des van wenden man wesen vor vnser Stad kyritze vnde hebben vns ghenamen I pert vnde eyn schok, den schaden achte wy zo hoch alz anderhalf hundert schok, vnde sloghen vns tho dem male ok eynen borgher dot vnde desse schade schach vns van dem haghē aff vnde tho. Item Anno etc. XXIV<sup>o</sup> hinrik Moltzan is ghewesen in der prouestie to havelberghe vnde heft vnfen borghern ghenamen wol achtehundert schap, den schaden achte wy zo hoch alz LXX schok. Item Anno etc. XXV herteghe hinrik vnde hinrik Moltzan zin ghewesen vor vnser Stad vnde hebben vns ghenamen VII perde, den schaden achte wy vppe XX schok. Item Anno etc. XXVI Dy kummeldur van Mirow is ghewesen to wotik vnde heft vnfen borghern ghenamen wol verhundert schap, den schaden achte wy vppe druttich schok. Item Anno etc. XXVII hebben vns dy wentlender namen twe perde, den schaden achte wy vppe V schok. Item Anno XXIX heft vns vritze van grabow vnde Simon ghire namen V perde vnde dy perde ghevoret in dat lant to wenden vnde in dat lant to Robel: dessen schaden achte wy vp XV schok. Item Anno etc. XXX<sup>o</sup>, Dy vlotowen med eren medehulpern hebben vns ghenamen XXII perde vnde twe borgher ghevanghen vnde hebben dy borgher ghevoret to dem Sture vnde hebben dy dar beschattet: den schaden achte wy vppe hundert schok. Item Anno XXXII<sup>o</sup> hebben vns dy wentlender